

საქართველოს თავდაცვის მინისტრის

ბრძანება №12
2014 წლის 6 მარტი

ქ. თბილისი

„საქართველოს შეიარაღებული ძალების გენერალური შტაბის J-1 პირადი შემადგენლობის დეპარტამენტის დებულების დამტკიცების შესახებ“ საქართველოს თავდაცვის მინისტრის 2009 წლის 19 ივნისის N448 ბრძანებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, ვბრძანებ:

მუხლი 1

„საქართველოს შეიარაღებული ძალების გენერალური შტაბის J-1 პირადი შემადგენლობის დეპარტამენტის დებულების დამტკიცების შესახებ“ საქართველოს თავდაცვის მინისტრის 2009 წლის 19 ივნისის N448 ბრძანებით (სსმ III 24.06.2009, №77, მუხ. 838) დამტკიცებულ დებულებაში შეტანილ იქნეს შემდეგი ცვლილება:

1. მე-14 მუხლის მე-6 პუნქტის:

ა) „გ“ ქვეპუნქტი ამოღებულ იქნეს;

ბ) „დ“ ქვეპუნქტი ჩამოყალიბდეს შემდეგი რედაქციით:

„დ) სამეთაურო რგოლთან პიროვნებათშორისი ურთიერთობების, მართვის, სუიციდის რისკისა და სოციალურ-ფსიქოლოგიური კონფლიქტების თავიდან ასაცილებლად ტრენინგების ორგანიზება/ ჩატარებას;“;

გ) „ნ“ ქვეპუნქტი ამოღებულ იქნეს;

დ) „ო“ და „პ“ ქვეპუნქტები ჩამოყალიბდეს შემდეგი რედაქციით:

„ო) შეიარაღებულ ძალებში ინსტრუქტორთა შერჩევასა და მათ ტრენინგებში მონაწილეობას;

პ) სამხედრო მოსამსახურეთა ოჯახის მხარდაჭერის პროგრამის შემუშავებასა და იმპლემენტაციის ზედამხედველობას;“.

2. მე-14 მუხლის მე-6 პუნქტს დაემატოს „რ“, „ს“, „ტ“ და „უ“ ქვეპუნქტები შემდეგი რედაქციით:

„რ) სამხედრო მოსამსახურეთა შერჩევისა და რაციონალური გადანაწილების მიზნით, ფსიქოლოგიური ტესტირებისა და ინტერვიუების საფუძველზე, ფსიქოლოგიური დახასიათებების შედგენას და შესაბამისი რეკომენდაციების შემუშავებას;

ს) შესაბამის სასწავლო-კვლევით ინსტიტუტებთან თანამშრომლობას, ახალი საკვლევი ინსტრუმენტების შემუშავების და ფსიქოლოგიაში თანამედროვე მიღწევების გაზიარების მიზნით;

ტ) შეიარაღებულ ძალებში ღირებულებათა სისტემის კვლევის ჩატარებას, ანალიზს და რეკომენდაციების მომზადებას;

უ) სამხედრო მოსამსახურეთა/სამოქალაქო პერსონალის სამსახურებრივი მოტივაციის შესწავლა/შეფასებას და მოტივაციის ამაღლების მიზნით ტრენინგების ჩატარებას.“.

მუხლი 2

ეს ბრძანება ამოქმედდეს გამოქვეყნებისთანავე.

საქართველოს თავდაცვის მინისტრი

ირაკლი აღასანია

